

四

明

叢書

張宗祥



00
2
10

過
宜
言

四明張氏約園開雕

序

先生姓華氏諱夏自號過宜二霍山人諱明義第五子也山人手錄綱目正續編凡攘夷狄屏宦寺及一切蠹國者以成一家史歿八年過宜彙其遺稿編定一集顏曰攘史記之曰目中俱若有不可忍之境胸中俱若有不能已之事交游骨肉有痛心慘目之變而宇宙民物有大足椎心指髮欲生罔從欲權莫借之苦今其書尙在天壤閒否壽鏞不得知所可知者過宜旣因其文而笑天下之愚且拙壽鏞轉因過宜而惜天下之愚且拙

者何少也哉過宜少與同里王公家勤齊名同受業於
始寧倪公元璐已又同學於漳浦黃公道周已又同參
山陰劉公宗周之席已而同受知於新城黃公端伯華
亭陳公子龍夫倪黃劉黃陳五君子者非天下至愚且
拙者哉而王華二子事之蓋其淵源有所自矣過宜嘗
究心易學與四書詩禮尤精於樂所箚操縵集無一圖
不用手摹今多散佚其大略見於過宜言中生平不寶
夜以句聲譽不營日以賣身名室啼戰而猶樂冷進接
而甘孤

見評秋
有文後

甲申以後一意恢復草衣芒屨且不謂

安則其志可知也今讀自引詩稿云乙酉閏月執戈同
仇已而戊夏之變避亂入山天降癡性益怙其愎有山
中一百五韻初夏被逮六旬賴救得生蓋謂丁亥第一
次下獄也及翻城之役復被逮侃侃對簿慷慨捐軀而
不悔其與高中丞斗樞書云前年逃虜時悉毀笥稿因
坐失錢塘不獲行胸臆嫁怒筆硯丙戌六月來頗吟詠
見衷同舊歲獄中所賦彙帙存次壻處府獄通贈大抵
信手抒懷非痛加芟削必重後誚所謂次壻者爲楊大
介藉以編校者也原本十卷忌者削其二今存八卷高

隱學序之向藏族裔華永祺家壽鏞錄其副讎校再四而訛奪頗眾文詞古奧語語率真雖間有酬應課藝諸作然先生精魄所寄與其過而刪之毋寧過而存之縱天下笑先生之愚拙固先生所樂爲天下笑者也嗚呼自先生死而妻死夫子死父一門節烈彰彰於天下後世然則愚且拙者不大可慰哉民國二十二年十二月後學張壽鏞序

序

予著敬止錄百卷記鄞一邑事自宋迄我明七百餘年
閒名臣偉士不勝書張文定公謂吾邑文章德業蔚乎
炳然如登泰岱探羣巒爭奇聚秀不可得窮予則疑獨
忠節一傳自德祐袁天與之外寥寥無聞焉是何也豈
山川之秀地氣所鍾獨在於藹吉履祥而激昂磊砢之
槩爲少歟乃至甲申大恤以後而其風始盛殉身罹難
者不下十五六人其最著者始於陳恭愍繼以錢忠介
華過宜而張蒼水終之毅聲奇節炤於百世上下而華

先生爲最難恭愍忠介安於其分不如是不可以爲人
臣先生之死與蒼水同然蒼水登賢書委贄監國扈蹕
鯨波不如是則其事爲不終先生固書生也讀孔孟成
仁取義之語而善守其訓窮岵絕壑草衣芒屨亦可以
自安吳巒穉曰志在恢復者環堵之中不汙僞命居一
室是一室之恢復也此身不死此志不移生一日是一
日之恢復也巒穉者死翁洲者也其言蓋若此乃先生
不謂安也蓋嘗論之前此各郡縣眾憤環起聲援持角
猶禍不給瞬糜爛無遺顧欲隻身奮臂於虎兕之叢不

稍再計厥後其立志爲難昔虜雖乘建瓴之勢而我可
大聲以呼建鼓爲招明大義而激眾心今處虜門中聲
色兩泯屬垣是虞須防口聚之猜并慎寐語之洩其運
用爲難旣獨排羣議知海上藩帥兵不足恃顧取諸虜
左右兵將爲用預以監國海上勅委之咸俯首聽命至
願出妻子爲質其奇著更難然謀已就矣期已定矣甲
已及被弓已待彎而賊臣告之大獄斯起不爲千古所
扼腕哉當海師入鄞左郭先生已先兩日就繫蓋事先
償於賊臣先生節述謂海師之入在先偶誤也當其時

忠介方扈監國入閩諸將復會以次復興化建寧及邵武圍困福城勢已垂陷舉閩地可十之六七浙酋集兵塞衢先生初未聞事機適會使兵猝起不意聲勢遙聯虜腹背受敵東西當大震必有乘之而遍起者天下事自不可知予恐後之人以明哲二字護身者搖唇鼓吻將嗤先生爲妄舉樂禍以笑訕之而忠介閩中之役在今已無知之者誰復爲先生論及此耶雖然先生固曰識時務三言作隱恥上珍則正不必如予所論也先中丞守鄖血戰五年挈全城而還先帝於陟天半載之後

以赴撫秦遺命而虜已得關中返遯於郾之野甫歸未
及三月先生輒來屬先中丞爲主相得歡甚每止宿語
竟夕不休節述中所云同志奉吾郡最忠誠而最有
巨望足文武憲邦者主登誓是也先生於丁亥十二
月初二逮繫郡獄踰一月爲次年正月七日旋及先中丞
則赴杭鞫時已無生望而得倅脫歸而先生獄中貽書
云悠悠之口動幸公得白此事此心亦何可白亦豈此
輩能白噫若先生則得白矣時同志逮者數人同先生
獄詞者先生以一己承之意欲脫諸公於死而不可得

對簿一錄殆先生自爲爰書也然則先生之任死豈不爲尤難也哉先生繼室陸自經以殉遺孤名凜咫甫八歲林廷評荔堂奪之俘籍中養之成立與天與死後絕相似遺文爲壻楊大介所彙錄爲十帙先生常自況於周公之過不亦宜乎因卽名爲過宜言有被先生指摘者竊毀其二今存八帙敬止錄中予集鄭文之足光吾邑者爲三十卷因借之凜咫處將錄其文之要領者入之開卷泫然如對先生焉讀諸札及敘述等篇尙如在疇昔往來密謀之日焉嗚呼蓋三十年於茲矣昔先中

丞哭先生有詩云好需赤幟殲胡日乃是黃泉吐氣時
今其時矣甲寅霜降隱學高宇泰撰

過宜言文目

卷一 文

兩番對簿語略

與壻楊大介書

與壻楊大介書

與壻楊大介書

就逮次日與壻楊大介書

與壻楊大介書

與壻楊大介書

與堉楊大介書

與堉楊大介書

與堉楊大介書

與堉楊大介書

與堉楊大介書

與高玄老先生書

與駱天植書

與駱天植書

與駱天植書

與駱天植書

與駱天植書

與高旦中書

又與高旦中書

與李昭武書

高虞尊伶仃歎序

與林霞舉書

與林霞舉書

與林霞舉書